

Intraque præscriptum Gelonos
Exiguus equitare campis.

angustis jam agris, nec ultra definitos limites excurrere.

////////

23 *Interque præscriptum* Helmstad.

NOTÆ

23 *Intraque præscriptum, &c.*] Refe-
ramus etiam et canamus debellatos
Gelonos, Scythiæ Europææ populos;
id est, Scythas Armeniæ vicinos, ab
Augusto Cæsare intra certos fines
compulsos, ut non liceret deinceps

excurrere equitando ultra *præscriptum*
sibi terminum, nec, ut antea, quolibet
vagari, et prædas agere. Virgil. *Æn.*
VIII. 725. 'Hic Lelegas, Carasque,
sagittiferosque *Gelonos*.'

ODE X.

AD LICINIUM.

Licinium Varronem Murænam Pompeianum, et Proculeii et Terentiæ Mæce-
natis uxoris fratrem, qui postea cum Fannio Cepione contra Augustum con-
juravit, ab insanis ausis, laudato medio vitæ statu, deterret. (Serva medi-
ocritatem et utramque fortunam fer æquo animo. *Zeun.*)

RECTIUS vives, Licini, neque altum

O Licini, melius ages, neque semper altum petendo, neque ripam plus quam de-

////////

Ode decima Libri tertii in Ed. Sanad. Venett. Ascens. et Locher. inseri-
bunt, *Ad Licinium de Mediocritate*; codd. Marcil. *Ad Licinium Murænam de*
statu vitæ; tres codd. Torrent. et Mentel. *Ad Licinium Murænam, optimum*
esse medium vitæ statum; quædam edd. vett. *Ad Valgium Licinium*.—1 Non-
nulli codd. ap. Jani, *Lycini*, vel, *licyni*. Unus Bersmanni, Dess. 2. et Helm-

NOTÆ

Metrum idem quod supra 1. Od. 2.

1 *Rectius vives, &c.*] Tritam hanc
sententiam non uno tractat Horatius
loco, sed nova quadam ratione, novo
semper ornatu: ut novum quid ubi-
que esse videatur: nimirum præstat
ipse quod in Arte Poëtica præcipit
elegantem, ac difficile esse fatetur, vs.
128. 'proprie dicit communia.' Hic
Allegoriis conglobatis ostendit ex-
trema semper fugienda; ne, quod
aiunt, 'incidat in Scyllam cupiens
vitare Charybdim.'

Licini] Quis ille, magna lis. Ple-
rique M. Licinium Crassum Præto-
rem intelligunt; qui cum ad Consu-
latum anhelaret, tum quidem spei
frustrationem impatienter et ægre
ferens, rite quidem ab Horatio sit mo-
nitus. Is vero postea consulare mu-
nus adeptus est gessitque cum Au-
gusto, anno U. C. 723. Ita Acron,
Porphyrio, Lubin. Cruq. &c. Ve-
rum hos expugnat Epigraphe hujus
Odes vetus cod. Ms. quæ sic legitur:
Ad Licinium Murænam: optimum esse

Semper urgendo; neque, dum procellas
Cautus horrescis, nimium premendo

Littus iniquum.

Auream quisquis mediocritatem

5

Diligit, tutus caret obsoleti

Sordibus tecti, caret invidenda

Sobrius aula.

cet stringendo haud tutam, dum tempestates sollicitus fugis. Quicumque amat pretiosam mediocritatem, securus et immunis est a squalore domus vetustæ, pariter

stad. nec altum.—3 ‘Promovi punctum usque ad *nimum*; similiter Art. Poët. 28. ‘Serpit humi tutus *nimum* timidusque procellæ.’ Wakef.—6 *Diligit tutus, caret, &c.* Bentl. Jones. et Kidd. ‘Sed docet elegantiae sensus, *tutus* ita jungendum cum tecto sordido, ut *sobrius* cum *aula*. Respondent enim hæc

NOTÆ

medium vitæ statum. Quæ cum ita sint, cum Torrentio et aliis, intelligo Licinium Varronem Murænam, qui frater erat Proculeii ac Terentiæ uxoris Mæcenatis. Is ambitione raptus, et cupiditati frænum laxans, adversus Augustum cum Fannio Capione conspiravit, tristemque merito suo nactus exitum est; de quibus Dio lib. LIV. &c. Vide supra Od. II. vs. 5. Not. Bene itaque, licet frustra, Licinius ille Muræna docebatur ab Horatio, ut sibi temperaret, nec rapido huic et cæco indolis impetui obsequendum: mediocritatem vero esse tutiorem, auroque præferendam.

Neque altum Semper urgendo] In alto mari semper navigando, id est, summa quæque semper appetendo; altas dignitates quærendo, altumque fortunæ statum.

2 *Urgendo*] Assidue, vehementer, et avide prosequendo.

Neque, dum procellas Cautus horrescis, &c.] Neque decet ut timidus plus æquo pusillusque animus deprimat te et adigat ad infima nimis ac sordida.

3 *Premendo Littus iniquum*] Legendo littus semper, quod tamen ob scopulos et vada non caret periculis. Pythagoræ monitum erat; ἐπὶ γῆς μὴ

πλεῖν; circa terram non navigandum: quo docebat terrestribus haud sic adhærendum, ut non ad sublimia assurgeretur. Cic. ad Q. Fratrem I. I. ‘Quapropter hoc te primum rogo, ne contrahas aut demittas animum, neve te obrui tanquam fluctu, sic magnitudine negotiæ sinas: contraque erigas, ac resistas, sive etiam ultro occurras negotiis.’ Vide supra, Od. III.

5 *Auream quisquis mediocritatem Diligit, &c.*] Medii status ac mediocris fortunæ demonstrat emolumenta: quod nec paupertatis malum habeat, v. g. obsoletum domicilium, vetustate labens ac deforme, vel sordibus putidum, nec summæ conditionis comitem invidiam, ac proinde curas et labores. Hesiodus vult ut sapiens sectetur μέτρια, *mediocritas*: quod καί ποδς δ’ ἐπὶ πᾶσιν ἀριστος, *mediocritas in omnibus optima sit*. Hinc proverb. μηδὲν ἄγαν, *ne quid nimis*. Et Salomon ipse Rex sapientissimus ita Deum Optimum Maximum precabatur: ‘Divitias et paupertatem ne dederis mihi.’

6 *Obsoleti Sordidus tecti*] Epist. ad Jul. Florum, I. 2. 99. ‘Pauperies imunda domus procul absit.’

Sæpius ventis agitatur ingens
Pinus; et celsæ graviore casu
Decidunt turres; feriuntque summos
Fulgura montes. 10

temperans abstinet aula invidiæ obnoxia. Frequentius excelsa pinus ventis concutitur, et turres editæ majorem trahunt ruinam, ac tonitrua verberant altos montes.

inter se.' *Jani.*—9 'Sæpius vulgata lectio omnium librorum. Sed eam quis sibi persuadeat ab Horatio esse? Quis cogitare possit, in tam consummato, tam elaborato Carmine, hoc unum vitium poëtæ judicium effugere potuisse, ad quod sentiendum tam mediocri acumine opus est? Nam primum nil languidius esse potest isto *sæpius agitatur*. Deinde ab æconomia sententiæ horum verborum plane abhorret; nam quomodo tandem respondent inter se *sæpius agitatur* et *gravius cadunt*? ubi hic exacta illa elegantia, Gall. *justesse*, qua totum reliquum Carmen enitet? Denique ne vera quidem omnino est sententia; nam profecto tenuiores arbores ac frutices vel levissimo vento, quem ingens pinus ne sentit quidem, et sic *sæpius*, agitantur. Quibus omnibus perpensis solam Horatio dignam, ab eoque profectam esse puto lectionem *Sæpius*, quæ, sive ex viri docti emendatione, sive felici errore, est in edit. Rothomag. 1701. post a Cuning. in notis laudata, doctissime confirmata a Burmanno ad Ovid. Heroid. Epist. xiv. 39. quam et in contextum receperunt Sanad. et Sivrins. Facile, (idque admodum mature factum esse oportet,) unius literæ mutatione familiaris sibi vocabulum *sæpius* substituit librariorum ignorantia: cum et aliis locis 'sæpe' et 'sæve,' omninoque *p* et *r*, ab iis permutata esse constet. Vid. e. g. Var. Lect. ad Propert. ii. 25. 12. et cf. omnino Burm. l. l. Et, si *Sæpius* legamus, omnes redduntur loco virtutes, quas illi τὸ *Sæpius* abstulit.' *Jani.* *Sæpius* legunt etiam Mitsch. Wetzel. Bipont. Francis. Wakef. alii, non improbante Zeun.—10 *Quercus*, pro *Pinus*, Desprez. in Nôtis. Vulgata lectio, et *celsæ*; unus Cuning. et Franeq. et *excelsæ*; Harl. 4. Brod. Cuning. Sanad. Sivr. Jani, et Bipont. *excelsæ*. 'Apparet, hac postrema lectione et pulchriorem versum et fortiorem sententiam fieri; nam illud *et* valde languet; et quomodo orta sit inde vulgata, facile intelligitur.' *Jani.*—12 *Fulgura* omnes codd. Torrent. cui non credit Bentl. et est fere a duobus sæculis vulgata editt. lectio. Sic e. g. Venet. 1590. Basill. Lamb. Fab. Rutg. Heius. Fabr. Despr. Dacer. Jones. Sanad. Sivr. Bond. Schrevel. et Delph. Sed *Fulgura* dno Vatt. Torn. Nicott. Russardd. Cler. ap. Lamb. omnes Cruq. Bentl. et Pulm. Lipss. 2. 3. Alt. Dess. Franeq. Mentel. tres Bersm. Sax. Gott. Venett. 1478. 1492. Asc. Locher. Florent. Cun. Baxt. Bentl. Jani, Mitsch. Bipont. Wetzel. Wakef. Comb. Kidd. alii. 'Et est magis poëticum vocabulum.' *Jani.* *colles* pro *montes* nonnullæ edd.

NOTÆ

7 *Invidenda aula*] Martial. 'invidiosa regis atria' dixit.

9 *Sæpius ventis agitatur ingens Pinus*, &c.] En summarum dignitatum mala et incommoda: o Licini, tibi cave. Ovid. Art. 369. 'Summa petit livor, perflant altissima venti: Sum-

ma petunt dextra fulmina missa Jovis.' Juvenal. Sat. x. 105. 'numerosa parabat Excelsæ turris tabulata, unde altior esset Casus, et impulsæ præceps immane ruinæ.' Claudian. in Rufin. i. 22. 'Tolluntur in altum, Ut lapsu graviore ruant.'

Sperat infestis, metuit secundis
 Alteram sortem bene præparatum
 Pectus. Informes hyemes reducit 15
 Jupiter, idem
 Summovet. Non, si male nunc, et olim
 Sic erit. Quondam cithara tacentem
 Suscitât Musam, neque semper arcum
 Tendit Apollo. 20

Animus rite præmunitus spem non alijcit in adversis: in prosperis autem contrariam timet fortunam. Hyemes horridas revocat Jupiter, idemque pellit. Si modo res se habent male, non etiam post ita se habebunt. Musas dudum silentes aliquando lyra Phæbus excitat, nec arcum semper intendit. Mæstis rebus generosum te

~~~~~

antiq. et sic Vet. Comb.—13 *Sperat adversis* Chabot. et Bersm. ex glossa.—17 Lips. 3. *idem Commoret.*—18 *Citharæ* Bentleii Græv. et Bodl. unus Bersmanni, Lips. 2. cum Edd. Bentr. Sanad. Wakef. et Kidd. ut *musa citharæ*, quemadmodum i. Od. 9. '*musa tragædiæ*,' sit pro cithara ipsa: et ita legit Grævius jam ante Bentleium in Epist. Nic. Heinsio missa, Syllog. Epist. tom. iv. p. 360. *citharæ tucentis* Cuning. *citharæ jacentem* var. lect. ap. Jones.—

#### NOTÆ

13 *Sperat infestis*] Jam monet quid in utraque fortuna cavere oporteat virum prudentem; nempe ne frangatur ac deficiat animo in adversis; neve prosperis infletur, ac benignæ nimium credulus auræ supra se rapiatur. Quæ quidem Licinius cum nequaquam servasset, immodicæ cupiditatis ac superbix pœnas luit. Sapientis est præceptum: 'In die malorum, ne immemor sis bonorum;' et vice versa: 'In die bonorum, ne immemor sis malorum.' Menander apud Stobæum: 'Ἐν ἐλπίσι χρὴ τοὺς σοφοὺς ἔχειν βίον. Ἀνθρώπος ἀτυχῶν σώζῃτ' ὑπὸ τῆς ἐλπίδος. In spe decet sapientes agere vitam. Vir infelix servatur spe. Hinc et apud Pindar. spes γηροτρόφος dicitur.

*Metuit secundis*] Horat. i. Epist. 10. 30. ad Fuscum Aristium: 'Quem res plus nimio delectavere secundæ, Mutatæ quatient.' Sapienter itaque Philippus Macedo, cum tres uno die lætos accepisset nuntios, exclamasse

fertur: 'Magne Jupiter pro his tantis bonis modicum reponas mali.'

14 *Bene præparatum Pectus*] Virtutis ac sapientiæ documentis instructus animus.

15 *Informes hyemes reducit Jupiter, &c.*] Non ergo desperandum, desperatis etiam rebus: siquidem quotidianæ vices abjectum sæpe erigunt; *summovetque* tandem *Jupiter hyemes* et ærumnas quas invexerat. Hinc Cic. ad Brutum Epist. 17. 'Rempublicam desperatam quoque sanari putito posse,' inquebat.

17 *Non, si male nunc, et olim Sic erit*] Sophocl. in Electra: Τάχ' αἴριον ἔσσεται ἔμεινον, Fortasse cras erit melius. [Verba sunt Theocriti, iv. 41. Θαρσεῖν χρὴ, φίλε Βάττε· τάχ' αἴριον ἔσσετ' ἔμεινον. Sed cf. Sophocl. Electr. 916. sqq.] Tibull. ii. 6. 19. 'credula vitam Spes fovet, et fore cras semper ait melius.'

18 *Quondam cithara tacentem Suscitât Musam, &c.*] Armatus ipse arcu



Rebus angustis animosus atque  
 Fortis appare; sapienter idem  
 Contrahes vento nimium secundo  
 Turgida vela.

*et constantem exhibe: aura vero propitia ipse prudenter constringes vela plusculum inflata.*

23 *Contines vento* in uno vetere libro reperit Canter. unde ille Nov. Lectt. iv. 2. conj. *Contine vento*. 'Intolerabilis lectio.' Jani.

## NOTÆ

et sagittis Apollo hæc ponit interdum, et ad hilaritatem provocat Musas, citharam prior accipiens et pulsans. Pæan a *παλειν*, *ferire*, dictus; ex Festo. *Neque semper arcum Tendet*] Non semper nocet. Macrob. Saturn. i. 17. 'Apollinem adoramus,' inquit, 'cognominibus modo sospitatem, modo pestem significantibus.' Vide i. Od. 12. 23. Pingebatur olim Apollo dextra Gratias, læva sagittas et arcum tenens; quod modo radiis et calore naturam recreet ac beet universam; modo æstus immodicos, morbos, luem gignat.

23 *Contrahes vento nimium secundo Turgida vela*] Si prospero fortunæ utaris flatu, quod ait Tullius, si res

fluant ad arbitrium, ne superiora semper et ulteriora proseguere: immo ambitionem coërce et arrogantiam, unde tibi sit ruinæ causa. Quenadmodum nautæ, cum remittit ventus, expansis velis captant auram: at si vehementior evadat, vela contrahunt; ne validiore abrepti impetu navim hand possint regere, atque in scopulos impellantur, illidanturque. Ovid. Trist. iii. 4. 31. 'Tu quoque formida nimium sublimia semper: Propositique precor contrahe vela tui.' Isocrates ad Demonicum: *Οὐτ' εὐτυχῶν περιχαρῆς, οὔτε δυστυχῶν περίλυπος ἔσθ'.* *Neque beatus supra modum exultes; neque infortunatus sine modo mæreas et contristeris.*

## ODE XI.

## AD Q. HIRPINUM.

Quintium Hirpinum amicum suum hortatur, ut, accedente jam senectute, curas tam publicas quam privatas missas faciat, et hilaritati se tradat.

## QUID bellicosus Cantaber et Scythes,

*O Quinti Hirpine, desine percontari quid meditetur bello strenuus Cantaber, ac*

Ode decima quarta Libri quarti in Editione Sanad. Inscibitur *Ad Q. Hirpinum* in Lamb. Cruq. et plurimis edd. *Ad Quinctium Hirpinum* duo Torrent. *Ad Quinctium Hirpinum, de læta vita* Venett. Locher. et Ascens. *Ad Erinctum Q. Hirpinum* quædam edd. corrupte: *Ad Quinctum Crispinum* vult Cruq. Vide ad vs.

## NOTÆ

Metrum idem quod supra i. Od. 9. tam anxie quæras, o Hirpine, quid  
 1 *Quid bellicosus Cantaber, &c.*] Ne moliantur exteri populi contra Rem-